

Deurofferinligting MALAWI

Ons susterskerk in Malawi, die CCAP (*Church in Central Africa Presbyterian*) se geskiedenis begin toe di. A.C. Murray en T.C.B. Vlok in 1889 'n sendingstasie op Mvera gestig het om onder die Achewa te begin werk. Ten spyte van vele terugslae, brei die sendingaksie vinnig uit en in 1897 is die eerste groepie van 19 bekeerlinge gedoop.

Vandag bestaan die CCAP Nkhoma Sinode uit 25 ringe, 190 gemeentes en digby die 2,000 wyksgemeentes (*prayer houses*). Die kerk het meer as 'n miljoen belydende lidmate en sowat 200,000 katkisante wat deur meer as 200 leraars bedien word.

Alhoewel hierdie kerk reeds vanaf 1962 onafhanklik en selfstandig funksioneer, is dit belangrik dat ons dié ekumeniese verhouding steeds in stand moet hou. Ons is deel van Afrika se rykgeskakeerde gereformeerde geloofs familie in Christus.

In **Malawi** help ondersteun jul deuroffers die **CCAP Nkhoma Sinode** se

- JMTI Kweekskool wat predikante oplei
- nagraadse teologie-studente aan die Universiteit Stellenbosch
- die 220 bed-hospitaal en gesondheidsdienste op Nkhoma
- die KIX-kleuterskool in Malingunde
- die bestuur van waterwerke op Nkhoma Sendingstasie

Ons moedig julle gemeente ook sterk aan om ons te nooi om self meer te kom vertel van ons susterskerk daar.

Mag jou bydrae van vandag van ons hele Afrika-kontinent 'n beter plek help maak.

Kontak dr Daniël de Wet by missio@kaapkerk.co.za vir meer inligting.

